



KOMUNIKADO PA PRENSA

Fecha

11/11/2019

Persona di Kontakto

Jhanirha Da Costa Gomez-Anita

Email

jhanirha.anita@gobiernu.cw

Minister Jesus-Leito ta firma akuerdo ku Dusron pa konstrukshon di 500 kas

Willemstad – Djaluna 11 di novèmber 2019, Minister Zita Jesus-Leito a firma akuerdo ku Dusron Bouwbedrijf N.V. pa konstrukshon di 500 kas. Esaki ta den kuadro di proyekto Macro Public Private Partnership (PPP), ku ta nifiká ku gobièrnu ta traha huntu ku partnernan privá pa konstruí bibienda pa nos siudadanonan.

Minister Jesus-Leito huntu ku direktor di Dusron señor Pieterella i den presensia di empleadonan di Ministerio di VVRP, a firma e akuerdo en kuestion.

Un di e nesesidatnan básiko den bida di un hende ta bibienda. Pa e motibu aki, Minister Jesus-Leito tin esaki komo un di su prioridatnan i ta hasi tur loke ta posibel pa realisá proyektonan ku ta yuda kada persona yega na un bibienda pagabel. Aparte di sòru pa kumpli ku e nesesidat di bibienda riba nos pais, e proyekto aki ta sòru tambe na kreashon di kuponan di trabou pa un periodo largu i tambe kombatimentu di okupashon ilegal.

Lo konstrui e 500 kasnan aki den 4 barío eksistente, esta Weto, Sapaté Nort, Rooi Santu, i Kirindongo Abou.

Na luna di mei di e aña aki, ya Gobièrnu a sera un akuerdo similar ku Eigen Woning Plan (EWP). E dos akuerdonan aki ta forma parti di un programa di bibienda di mas aña ku Minister Jesus-Leito tin komo vishon. E programa aki ta konsistí di:

- kasnan pagabel turnkey via e modalidat PPP,
- tereno pa personanan riba lista di espera di Domeinbeheer ku ke traha nan propio kas,
- kas sosial pa esnan riba lista di FKP.

Tur 3 kategoria lo haña atenshon den e programa aki. Ya tin fondonan reservá i pronto lo duna mas informashon tokante esakinan. Lo instalá un tim speshal ku ta bai atendé ku tur 3 kategoria. Huntu ku e partnernan priva, stakeholdersnan, FKP, Aqualectra, UTS pero hopi importante habitantenan lo enkaminá un trayekto aselerá pa por alkansá e metanan. Barionan kaminda desaroyo lo bai tuma lugá ta: Weto (Dusron), Sapate Noord (Dusron), Rooi Santu (Dusron), Kirondongo Abou (Dusron), Montanja Abou (EWP), Rooi Santu (EWP), Ronde Klip (EWP), Brakkeput (EWP), Mahuma Zuid (EWP), Trai Seru (EWP)



KOMUNIKADO PA PRENSA

<i>Fecha</i>	<i>Persona di Kontakto</i>	<i>Email</i>
11/11/2019	Jhanirha Da Costa Gomez-Anita	jhanirha.anita@gobiernu.cw

Lo instalá un tim speshal ku ta bai atendé ku tur 3 kategoria. Manera indiká, Gobièrnu ta pone tereno disponibel i e partner privá ta desaroyá e tereno i konstruí kas pagabel. E partner priva ta laga pinta un plan di parselashon den e barionan menshoná. Huntu ku gobièrnu ta kana e trayekto di aprobashon. Despues ku e partner priva ehekuta e parti infrastruktral, (hasi e tereno “bouwrijp”), Gobièrnu lo otorgá e tereno den erfpagt na e kliente. Despues ku e akta notarial keda pasá, e partner priva por start konstrukshon di e kas. Lo perkurá pa e preis di kas ta pagabel i lo kontrolá riba kalidat di konstrukshon i material.

Den dianoan ku ta sigui Ministerio di VVRP huntu ku Dusron lo kaba di hasi e trámitenan nesario pa konstrukshon di e kasnan aki por kuminsá i tambe duna informashon tokante kon interesadonan por apliká pa un kas ku ta forma parti di e proyekto aki.